


日本漢文學百家集

王焱 編

257



YSP
北京燕山出版社

王焱 主編

日本漢文學百家集
257



北京燕山出版社

第二五七册

春雷餘響 十卷 梁川星巖著 明治二十六年
.....
—

春
雷
餘
響

仁

星嶼外集

春
雷
田
食
人
禾
響
音

涵三書院校本

本當得自存

余已以詩人自命不知世之所謂學者流
亦未始知祖訓云性理云折衷考證云分業
宗派立幾門戶孰為是孰為非然只不出言
焉可也而吾生心之所之生操運數自然
發露亦不自知心之一吟一喟矣口集文遂
得小詩若干名曰喜靈符以自友謝若一
而已矣其理自分明但學者習而不察是
以大本不立聯々睜々誤了一生固世怪其

然也吁使能知地下事之富強方悟得春光
彌宇宙時安政元年甲寅春正月三日
星夜六十六日深子孫後於時所小德
老新庵

春雷餘響目錄

卷一

詩十一首古語七十六條

卷二

詩十一首古語四十七條

卷三

詩九首古語三十九條

卷四

詩十六首古語五十條

卷五

詩九首古語三十二條

卷六

詩二十首古語五十七條

卷七

詩九首古語二十八條

卷八

詩十七首古語四十一條

卷九

詩四首古語十六條

卷十

詩十六首古語八十一條

總計詩一百貳拾二首

古語四百六十七條

--	--	--	--	--	--	--	--	--	--

春雷餘響卷之一

三野 梁孟緯 著

末路光陰不忍捐、老眸常注向陳編、一朝便得一朝力、
若到十年加十年、

朱朱公曰、學者只知觀書、都不知有四邊、方始有味、
又曰、今之學者全不曾發憤、

又曰、立志要如饑渴之於飲食、纔有悠悠、便是志不
立、

又曰、英雄之主所以有天下、只是立得志定、見得大

利害如今學者立得志定講究得禮義分明

又曰為學須先立得大腔當了却旋去裏面脩治壁落教綿密今人多是未曾知得箇大規模先脩治得一間半房所以不濟事

程巨源曰詹河之釣蒲且之戈偃俸丈人之承螭用心專凝神一也今之學人有此專一心乎未有不進於道者

蔡虛齋曰分陰不惜學力不充當事臨疑口耳無所歸手足無處措前輩云皋夔稷契何書可讀蓋此數

公者、雖未曾讀書、亦未曾不窮理也、窮理力行以致用、學之為道何以加此、吾嘗見有胸富萬卷、筆下如流、而實於其身不得幾字受用者、則學其可不擇術哉、使皋契生今世、吾知其自不能已於讀書、但讀之得其術耳、

陸稼書曰、惜陰者、其大旨以為聖賢之學隨知隨行、若知而不行、雖讀盡十三經二十一史、徒敝精神、其

光陰可惜也、

書四書惜陰錄後

高景逸三時記曰、陸古樵曰、只要立大本、一日有二

日之力、一月有一月之力、務要靜有定力、令我制事、毋使事制我、余深喜其言、

郝京山曰、衰年讀書、繙閱日無暇晷、繼之以夜、精力反多於四十以前、蓋神明用事、五官自清、人心不用、則四體昏惰、欲累易入、讀書則神氣清明、平日不越几案、往來方寸間、未為大勞也、與他放縱馳騁者、殊科、所以精神愈覺清竦、

王華川曰、學在力、力則無不至、性質之駑駘不與焉、

騏驥千里、跛鱉亦千里、

落落形骸本外塵、白頭方始見吾真、自從總角攻書起、一盞青燈五十春、

朱文公曰、以聖賢之意、讀聖賢之書、以天下之理、觀天下之事、人多以私見自去求理、只是你自家所見、去聖賢之心尚遠在、

又曰、今人讀書、多不就切己上體察、但於紙上看、文義上說得去便了、如此濟得甚事、因提案上藥囊起、曰、如合藥便要治病、終不然、合在此看、

又曰、若只是握得一箇鵝崙底果子、不知裏面是酸

是鹹是苦是澀，須是與他嚼破，便見滋味。又曰：着一些急不得。

劉念臺曰：朱夫子嘗言：學者半日靜坐，半日讀書，如是三五年，必有進步可觀。今當取以為法。然除却靜坐功夫，亦無以為讀書地。則其實亦非有兩程公也。學者試於靜坐得力，徐取古人書讀之，便覺古人真在目前。一切引翼提撕匡救之法，皆能一一得之於我。而其為讀書之益，有不待言者矣。

讀徹六經，先建基，裨官小說亦吾師。拘拘泥泥死章句。